



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
aprimè utile ...

Monacellus, Franciscus

Venetii, 1706

Collationis Canonicatus, vel Parochiæ vigore provisionis Apostolicæ Form.
XIV.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

Collationis Canonicatus, vel Parochiæ vigore provisionis Apostolicæ.

FORMULA XIV.

SUMMARIUM.

- 1 Litteræ Apostolicæ debent coram Executore verificari legitimo Procesu.
- 2 Provisus de Canonicatu potest exami-

nari super cantu Gregoriano, & ad illum addiscendum moneri etiam per subtractionem distributionum.

- 3 Episcopus quando dicatur Executor mixtus.
- 4 Quid probandum, si Beneficium conferatur per resignationem vigore provisionis Papæ?
- 4 Provisus in forma dignum debet examinari coram Examinatoribus Synodalibus, non solum quoad doctrinam, sed etiam quoad mores. Beneficia Curata non debent dari diffamatis, ibidem.

N. Episcopus N.

Dilecto &c.

CUM per Te nobis præsentatae fuerint litteræ Apostolicæ Sanctissimi in Christo Patris, & D. N. CLEMENTIS Divina Providentia Papæ XI. in pergamenta scriptæ cum plumbo pendent, cordula canapis more Romanæ Curiae, quas Nos, qua decet reverentia, recepimus, tenoris sequentis videlicet (hic inseratur tenor Bullæ), & successivè Nobis instantiam feceris, ut ad ipsarum litterarum executionem procederemus: Nos volentes mandata Apostolica exequi juxta formam in dictis litteris præscriptam, de expositis, & contentis in eis debitam capi mandavimus informationem, qua diligenter capta, & constito Nobis legitimè ex actis narrata Sanctissimo Domino Nostro esse vera, & verificata, Teque esse habilem, & idoneum ad dictum Canonicatum, & Præbendam, prout idoneus repertus fuisti à nostris Examinatoribus (si Beneficium esset cum Curia Animarum, & provisio expedita cum clausula in forma dignum, dicatur - Prout idoneus, & dignus repertus fuisti à nostris Examinatoribus Synodalibus) proinde dictum Canonicatum cum Præbenda, ut suprà vacan. tenore præsentium Autoritate Apostolica, qua in his fungimur, cum omnibus suis fructibus, proventibus, emolumenis, & distributionibus, ac annexis Tibi conserimus, & assignamus, amoto quolibet alio illicito detentore, quem amotum esse prædicta Apostolica auctoritate per præsentes decernimus, recepto, & per Te præstito corporali juremento &c. (Et sequere, ut in formula precedenti) In quorum &c. Datum &c.

N. Episcopus N.

Loco ✠ Sigilli.

ADNOTATIONES.

1. CONSTITO NOBIS. Litteræ Apostolicæ debent coram Executore verificari legitimo Pro-

N. Cancellarius Episcopalis.

cessu, sive sint expeditæ in forma dignum, sive certo modo, sive per resignationem; Et verificatis narratis, Executor Decretum executionis interponere, ut docet Ros. de Executor. liti. Apo-

flat.

*stol. in prax. execut. litt. Apostol. in quibus s
fit provis. Benef.*

2 ESSE HABILEM, ET IDONEUM.

Quod provisus de Canonicatu in Cathedrali possit, & debeat examinari super cantu Firmo, sed Gregoriano (quem canere debent Canonici) & quatenus de hoc ignarus provisus reperiatur, non debeat admitti, vel cogi praefixo competenti termino addiscendum etiam per substractio nem distributionum, tradunt Nicol. lucubr. Can. lib. 1. tit. 14. de ætat. & qualit. n. 9. Chrys. de visit. p. 2. §. 20. n. 19. & duob. seqq. apud quos plura Decreta allegantur. Verum in praxi, præsertim cum provisis à dataria, hæc theorica non semper servatur.

3. Quando autem impetratio Beneficii fit certo modo, utpote quia alter male impetraverat, & tunc Episcopus Executor dicitur mixtus, & providet, ac exequitur, citato prius male proviso, & facit expeditionem verificatis expositis.

4. Si vero Beneficium conferatur per resignationem ad favorem certæ personæ, tunc litteræ Apostolice expediuntur in forma dignum, & Resignarius debet probare Resignantem habere aliundè, undè commodè vivere possit, & Executor verificatis expositis Decretum interponit, & Bullas exequitur; captaque per Resignarium possessione, ut publicatio resignationis in Ecclesia, ubi adest Beneficium, ad formam Bullæ Gregor. XIII. la 85. to 2. Bull. nov. De possessione autem capta, professione fidei emissa, & de publicatione resignationis facta, Notarius, sive Cancellerius Curiæ Episcopalnis debet confidere actum publicum in forma probanti, & fidem de his facere in

dorso Bullarum cum expressione temporis^s
**5 A N O S T R I S EXAMINATORIBVS
SYNODALIBVS.** Si vero litteræ Apostolicæ expeditæ sint pro provisione Ecclesiæ Patochialis cum clausula *in forma dignum* tunc pro verificatione debent adhiberi Examinatores Synodales pro forma, qui quoad idoneitatem taliter provisi, debent facere relationem, & approbationem, non solum super litteratura, sed etiam quoad legitimitatem, ætatem, & mores, Garz. de Benef. p. 6. c. 2. n. 233. 236. & 239. quam Sententiam amplexa fuit Sacr. Congr. Concil. in Foroliven. bis proposita, scilicet 19. Juli, & 20. Septembris 1692. in qua cum provisus *in forma dignum* fuisset rejectus non tamquam illiteratus, sed ex quo esset diffamatus circa venerea, & ideo à rejectione Episcopi, & Examinatorum ad Sacr. Congregat. appellasset, Dubio proposito -- *An constet irrationali judicio Episcopi, & Examinatorum?* responsum fuit -- *Negativè.* Et merito, quia Beneficia Curata non debentur diffamatis, & tenuit eadem Sacr. Congr. Concil. in Mediolanen. seu Alexandrina 28. Nov. 1693.

Collationis Canonicatus, & Præbendæ Ecclesiæ Collegiatæ.

F O R M U L A X V .

S U M M A R I U M .

1 *Canonicus Collegiatæ Vrbis est dignior
Canonicu Cathedralis alterius Ci-
vitatis.*

2 *Canonicus Collegiatæ non tenetur
emittere professionem fidei.*

N. Episcopus. N.

Dilectio &c.

CUM sicut accepimus, Canonicatus, & præbenda in Collegiata Ecclesia N. loci N. hujus nostræ Diœcesis, quos Rev. Canonicus N. illorum ultimus Possessor obtinebat, per obitum ejusdem de mense N. vacaverint, & vident ad præsens; ne Divinus Cultus in dicta Collegiata Ecclesia detrimentum patiatur, eidem de idoneo Canonicu providere volentes, Tibi, cuius vita, &

mo-